

## Забидий / ВАҲИЙНИНГ БОШЛАНИШИ КИТОБИ / 1065-ҳадис

1065/2356 – عَنْ عَبْدِ اللَّهِ بْنِ مَسْعُودٍ رَضِيَ اللَّهُ عَنْهُ، عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ: «مَنْ حَلَفَ عَلَى يَمِينٍ يَفْتَطِعُ بِهَا مَالَ امْرَأَةٍ، هُوَ عَلَيْهَا فَاجِرٌ، لَقِيَ اللَّهُ وَهُوَ عَلَيْهِ غَضَبَانُ، فَأَنْزَلَ اللَّهُ تَعَالَى: (إِنَّ الَّذِينَ يَشْتَرُونَ بِعَهْدِ اللَّهِ وَأَيْمَانِهِمْ ثَمَنًا قَلِيلًا) [آل عمران: 77]، فَجَاءَ الْأَشْعَثُ فَقَالَ: مَا حَدَّثَكُمْ أَبُو عَبْدِ الرَّحْمَنِ؟ فِيَّ أَنْزَلْتَ هَذِهِ الْآيَةَ، كَانَتْ لِي بئْرٌ فِي أَرْضِ ابْنِ عَمِّ لِي، فَقَالَ لِي: «شُهِودَكَ». قُلْتُ: مَا لِي شُهُودٌ، قَالَ: «فَيْمِينَهُ». قُلْتُ: يَا رَسُولَ اللَّهِ إِذَا يَخْلِفَ، فَكَّرَ النَّبِيُّ صَلَّى اللَّهُ عَلَيْهِ وَسَلَّمَ هَذَا الْحَدِيثَ، فَأَنْزَلَ اللَّهُ ذَلِكَ تَصْدِيقًا لَهُ.

1065.2356, 2357. Шақикдан ривоят қилинади:

«Абдуллоҳ розияллоҳу анҳу шундай деди: «Набий соллаллоҳу алайҳи васаллам: **«Ким бирор кишининг мол-мулкидан ўзлаштириб олиш учун фожирларча\* қасам ичса, Аллоҳга У Зот ундан ғазабнок бўлган ҳолда йўлиқади»**, дедилар. Шунда Аллоҳ таоло **«Аллоҳнинг аҳдини ва ўз қасамларини озгина баҳога сотадиганлар...»\*** оятини нозил қилди». Шу пайт Ашъас келиб: «Абу Абдурраҳмон сизларга нима айтиб берди? Бу оят мен ҳақимда нозил бўлган. Амакиваччамнинг ерида менга тегишли бир қудуқ бор эди. У зот соллаллоҳу алайҳи васаллам менга: **«Гувоҳларингни (келтир)»**, дедилар. «Гувоҳлар йўқ менда», дедим. У зот соллаллоҳу алайҳи васаллам: **«Унда бунга қасам (ичир)»**, дедилар. Мен: «Эй Аллоҳнинг Расули, ундай бўлса бу қасам ичаверади-да!» дедим. Шунда Набий соллаллоҳу алайҳи васаллам шу ҳадисни айтдилар. Аллоҳ у зотни тасдиқлаб, ўша(оят)ни нозил қилди».

\* Фожирларча қасам ичиш ёлғондан қасамхўрлик қилишдир.

\* Оли Имрон сураси, 77-оят. Оятнинг тўлиқ матни қуйидагича: **«Аллоҳнинг аҳдини ва ўз қасамларини озгина баҳога сотадиганлар - албатта, ана ўшаларга охиратда насиба йўқдир, қиёмат куни Аллоҳ уларга гапирмас, назар солмас ва уларни покламас. Уларга аламли азоб бор»**.

Манба: [hadis.islom.uz](http://hadis.islom.uz)



HADIS.ISLOM.UZ  
NUBUVVAT MARVARIDLARI